

**09 IUNIE**  
**RUGACIUNEA**  
**SF.CUVIOS**  
**CHIRIL DE LA BELOEZERSK**

**Молитва**

О, священная главо, преподобне и Богоносне Отче Кирилле! Припадаем к тебе с верою и любовью, и просим тя, небеснаго Заступника нашего: яви велие милосердие твое нам, смиренным и грешным, и пролей теплыя молитвы твои о нас ко Господу Богу.

Свойственно есть тебе благосердие, святче Божий, ибо живущу ти на земли, едино бысть у тебе попечение, еже спасати от погибели греховны души человеческий, и вся твоя жизнь святая бысть зеркалом добрых дел, о нихже прославляшися в тебе Отец Небесный, к Немуже велие дерзновение стяжав, испроси нам у благодати Его: веру праву, благочестие нелицемерное, покаяние истинное, братолюбие совершенное и преуспяние во всех благих делах. Исходатайствуй нам здравие душевное и телесное, земли плодоносие, воздуха благорастворение, мирное и безмятежное житие,

непостыдную христианскую кончину и добрый ответ на страшном Суде Христовом. Сохрани Церковь Святую и Державу Российскую от браней и нестроений. Огради обитель твою честную от всякаго зла, и вся правоверныя люди, к тебе приходящия и мощем твоим покланяющиеся, осени небесным твоим благословением, и вся прошения их во благо исполни. Ей, Отче, не презри молитв наших, со умилением тебе возносимых, но буди о нас теплый предстатель ко Господу, и сподоби нас помощью твоею святою спасение вечное получить, и Царствие Небесное унаследовати, да славословим великия щедроты и неизреченныя милости Отца и Сына и Святаго Духа, в Троице покланяемаго Бога, и твое Отеческое заступление, во веки веков. Аминь.